



InPregled

InŠkola je aktivna već 30 dana. Prvi mjesec je prošao brzo, dinamično i uzbudljivo. Naše nastavnice i nastavnici su, pored svih školskih obaveza, svoje vrijeme aktivno dali i InŠkoli. Zajedno sa vama, ona postaje mjesto zajedničkog učenja.



INPREGLED

MAJ NA INŠKOLI

ŠTA SE DEŠAVALO U PRVIH 30 DANA NOVE INŠKOLE?

#inšpiracija

#teachersmakeInŠkola

#nastavnicisuvažni

#ZINtrenutak



U ovom kratkom, ali važnom periodu za sve nas, okupili smo zajednicu od više od 600 nastavnika i nastavnica, i svakim danom nas je sve više. Sa nama su odgajateljice i odgajatelji, učiteljice i učitelji, nastavnice i nastavnici, profesorice i profesori, kao i naše stručne saradnice i saradnici. InŠkola raste zahvaljujući svakom od njih.

Tokom prvih 30 dana, pisali smo o mnogim temama koje su nam važne. Članovi i članice govorele su o:

- upotrebi umjetne inteligencije u obrazovanju,
- primjeni različitih metoda i tehnika u nastavi,
- ocjenama - propitali su njihov smisao i položaj u trenutnom obrazovnom sistemu,
- radu sa djecom sa teškoćama u razvoju i njihovim porodicama
- partnerstvu sa obitelji i zajednicom,
- odnosima unutar škole i učionice i mnogim drugim temama.

Koji vam je tekst ostao u mislima i dugo nakon čitanja?

Započeli smo sa dijeljenjem informacija o svim događajima i prilikama za učenje, lični i profesionalni razvoj.

Na InŠkoli su osvanule raznolike pripreme za časove koje su se bavile različitim oblastima. Pogledajte i komentarišite one koje niste do sada vidjeli. Ostavite povratnu informaciju i predložite dodatna poboljšanja. Da li vas je neka priprema nagnala na promišljanje o vašoj praksi? Da li ste možda neku već prilagodili u radu sa vašim učenicama i učenicima? Kako je bilo?

Ako još niste - podijelite sa nama svoja promišljanja, svoje radove i svoje dobre priče iz učionica i van njih.

Za naredni period spremamo uvođenje novih stvari, tematskih kampanja, serijala, nove načine povezivanja, intervju, razne izazove, sedmične InPreglede... ali da ipak ne otkrivamo sve. ***Svakako, slušamo vaše prijedloge - pišite nam šta biste voljeli vidjeti još, šta vam nedostaje, kako zamišljate naredni period, koja su vaša očekivanja od sebe i drugih?***

Za kraj, hvala vam što ste među prvima povjerovali u ideju InŠkole i svojim prisustvom, doprinosom, objavom joj dali vjetar u leđa. Dovedite nam kolegice i kolege pa da zajedno rastemo u veliku, podržavajuću i zajedničku InŠkolu.

Collections

Inspiriraj se